

# **Maki Nalua Naña**

## **YOANE**

### **Siriyuia**

## **Visayuena Na Tusi Nene**

*Suniena plas na tusi nini*

E ñaki kiena Yoane na lua, Yoane pio si naga sape “nasumonena”, a pisa ke sape siria “pa sira tai naña Ntewa pisirlua naga”, a sape siri ñena “pa narina lala”. Kinasnen visena lalua nene “sira” amio “narina lala”, tesape naga pe pisa re sira tai amio narina lala, ana pisa ke “sumãre” amio “nalelagaena lala”. Maki nini pisa panila vena sinela sisi la ña silaga, a naga pisa panila sape monar avisuar ruru la, vena navianena la naña kiela vianiena la pe mesmesu re poli ve aimi akila kare la re e kiela vianiena na visokanena lala.

*Komþasnen tusi la na nini*

Visena þesa 1-3

Li nalelagaena lala monar sinela si yaru lala  
4-6

Visena na visaþegeen li nalelagaena lala 7-11

Visena maro 12-13

*Visena þesia*

<sup>1</sup> Inu nasumonena marua nesiri ñaki nini pimi pan ko, sane ope sira tai naña Ntewa pisirlua ko, ana naruña wa ñena lala. Sineu si paþisi na vitawe amiuenta sina e ñaki nini, nesitom amiu

paḗisi, ana pe in ga taaga re poli, li na lelagaena taḗena mēna lala asitomāl amiu silau. <sup>2</sup> Sineta sisi ita ke sanene vanon visena lelaga kiena ne Ntewa teke e kieta malena la rui, ana tomā e ita vano ve uro re sina pogos tai.

<sup>3</sup> Nemlen wo amiu, sane lemana, sineyeena, a sumārena, vim kome arimata Ntewa, amio narina Yesu Kristo, sike e ita, kila ḗelaga na lelagaena a sitomena vim ve keviu manene laa sane e ita silau.

### *Ataveve ḗelaga na sinesiena silaga*

<sup>4</sup> Nesape nevisawal van ko, nepisu narumā la ḗasia e yo nini rui, ana nekekanā la paḗisi naḗa nepisu la amial ruru ke e ḗelaga na visena na lelagaena po paḗisi, sa naḗa Arimata pisa pan ita. <sup>5</sup> Auia, nepisu sur nene, ana nesape neiilaar amiu sina, vena alogear kiena navisaluaena la, naḗa ita tetol sumo e purḗes rui, sa naḗa ve nevisa re sur viu tai van amiu, ana nevisawal ga visena mā nena nene, naḗa nesape ita monar sineta sisi ita silau. <sup>6</sup> Visae sinetan tesape tekila ve sa nene, naga kana mrapa sa nini: monar telogear visena kiena ne Ntewa. A kiena pupia navisaluaena naḗa temloge nanua rui pimi tol nagane pisa sape monar teiali silau e ḗelaga na sinesiena.

<sup>7</sup> Yeririna na visokanena lala la mokliu asike pa e yomarava rui, vena vilonen sitomena kiena ne yeririna lala. La apisa ke asape Yesu naga pe yar ga tai maran taaga ga sa ga ita, pe sinelan re asape yar la alelaga e Yesu poli, naḗa asape pe

Navisaarena pimi kome Ntewa a pe natamalia itaena. Yar la na sa nene, ape yar na tañalien yeririna ga lala, ape nasinekar lala kiena ne Kristo. <sup>8</sup> Visae ve sanene, monar avisuar ruru amiu e visena la ne sanene, vena ve akila pal re sina ga malena wo naña memiyumñaen mñareran vanon amiu. Monar asuñal mñarera ga, ñisi na akilia atol kiamiu nalaena nowo punu ga sirau. <sup>9</sup> Yar naña suñalu, pula petan kove pa vanua, pe mrelaga re si e na vianena na Kristo, naga pe pe kiena ne re si Ntewa poli. Ana yar naña suña ruru ga loyuma e kieta visena na lelaga lala, Ntewa arimata amio narina asike e naga.

<sup>10</sup> Visae akirawal lala tai imi mñalivin amiu, ana pe pisa re visena la naña mesmes sa naña kieta na kilapianena poli, aligan lua si naga vano. Ve aure re naga va e mñamiu yuma lala, ve aurear re naga su amio amiu, <sup>11</sup> visae peraga, amiilaar ke naga pe na kilaen kiena yumñaena viowa nene pa ke metava ne.

### *Visena maro*

<sup>12</sup> Visena moki navisaena sike ga wa, ana pe sineun re neligan se e mñaki nene poli. Yoko nekilalia nevim nevisu amiu ga, vena tekilia tevisi ruru ga van ita e ga e marata. Visae ve sanene naga po manene laa sane, yoko ita punu ga tekilia teloge wo vañisi.

<sup>13</sup> Lueña tañena ta nene, naña Ntewa pisirlar naga suñalu sa naña ko, narina mña ga lala asike e nini, apisa ke asape Ntewa visa ruru amiu.

Nesape naga ga nene yo, naña nesape nevisa,  
visena maro ga e nene.

**Lologena Wo Kienane Yesu Kristo Kome  
Kewo  
The New Testament in the Lewo Language of Epi  
Island, Vanuatu  
Le Nouveau Testament en Lewo langue de l'île d'Épi  
au Vanuatu — Niutestamen long Lewo lanwis, blong  
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 3 Mar 2023 from source files dated 22 Nov 2019

ee028e1c-7e53-571d-8041-681daaf580e8